



Pou Piblikasyon Imedya: 07/12/2021

GOUVÈNÈ KATHY HOCHUL

GOUVÈNÈ HOCHUL SIYEN YON LEJISLASYON POU ANKOURAJE AKWAKILTI

S.6532A/A.7547A pèmèt kiltivasyon varèk nan tè ki anba dlo nan Bè Gardiners ak Peconic

Gouvènè Kathy Hochul te siyen jodi a lejislasyon S.6532A/A.7547A ki pèmèt Konte Suffolk lwe tè anba dlo ke Eta a te ba li pou kiltive varèk ak lòt alg. Lejislasyon sa a pwolonje tou pou yon kèk dispozisyon konsènan lisans lapèch komèsyal.

"Konsèvasyon anviwònmantal se yon pwoblèm ki sou kè mwen epi se yon priyorite prensipal pou administrasyon mwen an", **Gouvènè Hochul te deklare**. "Kiltivasyon varèk ak lòt alg pral ede restore sante ekosistèm yo nan bè sa yo, ankouraje mache akwakilti k ap devlope a ak sipòte ekonomi lokal la".

Lejislasyon S.6532A/A.7547A pral ankouraje akwakilti varèk nan Bè Gardiners ak Peconic, k ap ede restore kalite dlo ak abita pwason nan redui polisyon pa azòt ak ranfòse ekosistèm natirèl yo. Sa pral ranfòse tou endistri kwasant kiltivasyon alg la, ki bay avantaj ekonomik. 44,515 ekta tè anba dlo kapab kiltive atravè lejislasyon sa a, tè ke yo te bay Konte Suffolk anvan sa yo pou kiltivasyon kristase.

Senatè Todd Kaminsky te deklare, "Kiltivasyon varèk reprezante gwo potansyèl ekonomik epi pral netwaye dlo nou yo. Mwen remèsyé Gouvènè Kathy Hochul ak Manm Asanble Fred Thiele pou travay yo ki vize wè potansyèl nan zafè inovatè sa a ki pral revolisyone ekonomi lokal nou an ak kenbe dlo nou pwòp pou pwochen jenerasyon an".

Manm Asanble Fred Thiele te deklare, "Mwen te pouswiv adopsyon lejsilasyon sa pandan plizyè ane piske etid yo te souliye avantaj varèk yo nan retire azòt nan dlo nou yo. Kiltivasyon pwodui anviwònmantal ak vyab sa a nan nivo ekonomik pral ankouraje yon endistri kwasant ki pral ede restore kalite dlo ak abita pwason yo nan East End pandan sa ap kreye travay pou biznis maritim tradisyonèl nou yo. Mwen eksite ke New York pral kounye rejwenn lòt eta yo ki te déjà etabli pwogram komèsyal akwakilti varèk ak alg yo. Mwen di Gouvènè Hochul mèsi poutèt li siyen pwojè-lwa sa a pou fè li vin yon lwa."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)